

20170604 Saksi ni Jehova  
Viktor Nonong Medrano

Dumating sa bahay ko ngayon sina Leo at Clifford na parehong Ilokanong Pilipinong Saksi ni Jehova. Genesis ang tema. Sabi sa Genesis, galing sa lupa ang tao. Kung tutuusin, sabi ko, sa agham, ganoon din ang sabi, ang mga bakterya at mikrobo ay galing sa lupa, putik, at dahil sa ebolusyon, naging halaman at hayop sila, at naging tao. Tinanong ni Leo kung may tao raw bago nina Eva at Adan. Sabi ko, may "taong hindi tao." May mga hayop na parang tao bago ng ating espesiyeng *Homo sapiens*. May panahong ang ating *Homo sapiens* at *Homo neanderthalensis* ay kasabay na buhay. May mga tao ngayong may lahing Neanderthal. Sabi ko kina Leo at Clifford, iba ang agham at relihiyon. Ang agham ay makasariling nagkokorektang paradigma. Sa relihiyon, kung may mali, gumagawa ng bagong relihiyon. Sa agham, gumagawa ng bagong teorya sa bagong ebidensiya, at palaging pinupruweba. Sabi ko, sa nakalipas na dalawang dekada, mahalaga ang progreso sa dalubtalaan. Mga halos tatlong libong eksoplaneta na ang nadetekta. Ang eksoplaneta ay planetang hindi umiikot sa ating Araw, kundi ibang bituwin kaya.